

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU**

Broj: 65 0 St 1165924 25 St
Sarajevo, 25.07.2025. godine

Općinski sud u Sarajevu, stečajni sudija Zlatan Bilić, rješavajući po prijedlogu za otvaranje stečajnog postupka nad imovinom pravnog lica CELLCORD društvo sa ograničenom odgovornošću za usluge Sarajevo, sa sjedištem u ul. Obala Maka Dizdara br. 10, Sarajevo, donio je dana 25.07.2025. godine sljedeće:

RJEŠENJE

Pokreće se prethodni postupak radi utvrđivanja uslova za otvaranje stečajnog postupka nad imovinom pravnog lica CELLCORD društvo sa ograničenom odgovornošću za usluge Sarajevo, sa sjedištem u ul. Obala Maka Dizdara br. 10, Sarajevo.

Za privremenog stečajnog upravnika imenuje se Siniša Lužaić iz Sarajeva, ulica Džemala Bijedića broj, 37/9, Sarajevo.

Privremeni stečajni upravnik će izvršiti pregled dužnikovih poslovnih prostorija i izvršiti uvid u poslovne knjige i dokumentaciju dužnika, utvrditi da li postoje razlozi i uslovi za otvaranje stečajnog postupka, utvrditi da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti dužnika te ispitati da li imovina stečajnog dužnika može pokriti troškove stečajnog postupka.

Dužnik je obavezan da dozvoli privremenom stečajnom upravniku da pregleda poslovne knjige i poslovnu dokumentaciju dužnika.

Privremeni stečajni upravnik je dužan podnijeti izvještaj u roku od 30 dana od dana imenovanja u kojem će izvjestiti o poduzetim radnjama i iznijeti svoje stručno mišljenje o zatečenom stanju.

Mjere pojedinačnog prinudnog izvršenja pokrenute protiv stečajnog dužnika privremeno se obustavljaju. Izlučna i razlučna prava povjerioci ne mogu ostvarivati u prethodnom postupku.

Pozivaju se povjerioci da predlože mjere osiguranja nad predmetima i imovinom stečajnog dužnika.

Ovo rješenje će biti objavljeno na oglasnoj i elektronskoj tabli ovog suda, u „Službenim novinama Federacije BiH“ i na internet stranici Finansijsko-informatičke agencije.

Rješenje se ima dostaviti Registru Općinskog suda Sarajevo radi upisa zabilježbe prethodnog postupka u matičnom registarskom broju subjekta upisa broj MBS broj: 65-01-1310-09.

O b r a z l o ž e n j e

Predlagač je dana 25.04.2025. godine podnio prijedlog za otvaranje stečajnog postupka nad privrednim društvom lica CELLCORD društvo sa ograničenom odgovornošću za usluge Sarajevo, sa sjedištem u ul. Obala Maka Dizdara br. 10, Sarajevo.

Na ročištu održanom dana 08.07.2025. predlagatelj-direktor društva je izjavio da firma već godinama ne posluje, te da društvo nema imovine, pokretne ni nepokretne, te da ima ugašen račun zbog čega isto nije platežno sposobno za izmirivanje bilo kakvih obaveza.

Našavši da se u konkretnom slučaju radi o dopuštenom prijedlogu, a radi utvrđenja da li postoji stečajni razlog i da li postoje svi uvjeti za otvaranje stečajnog postupka, te imajući u vidu činjenicu da je dužnik uplatio predujam za pokriće troškova prethodnog postupka, sud je donio odluku kao u izreci, primjenom članova 61., 62., 63., 65. i 66. Zakona o stečaju Federacije Bosne i Hercegovine ("Službene novine Federacije BiH", br.: 53/21)

Stečajni sudija
Zlatan Bilić

Pouka o pravnom lijeku: protiv ovog rješenja žalba nije dopuštena.